

盾墨留芬
(一)

中國文學叢書

百墨留芬 (全二冊)

中華書局 六十二年八月

定價 貳圓貳角

三冊 貳圓貳角

四冊 貳圓貳角

五冊 貳圓貳角

六冊 貳圓貳角

七冊 貳圓貳角

八冊 貳圓貳角

九冊 貳圓貳角

十冊 貳圓貳角

中國史學叢書
編 續

盾墨留芬（全二冊）

編者：胡 傳 釗

出版者：臺灣學生書局

代表人：馮 愛 羣

發行者：臺灣學生書局

臺北市和平東路一段一五〇號
郵政劃撥帳戶二四六六號
電話：三三二一四六六七

定價新臺幣七〇〇元

中華民國六十二年八月景印初版

內政部核准登記證為內版臺業字第〇八八四號

2076

究必印翻・有所權版

叙

大丈夫懷抱利器值時局艱鉅不獲假尺寸柄策勲萬里
外退就幕府忝贊戎機左右於大吏以求小試過亦陋矣
更不幸而事成身退中時論所忌挾其孤憤怏怏以去此
有志之士所爲扼腕太息者也而若人者獨能以其退讓
之表置是非於不問歸而編輯往事勒爲成書以待白於
天下後世其心彌苦其節彌高嗚呼可不謂賢歟胡君麓
樵殆其人也君自少負奇氣廷贊捧檄來桂林始得與君
交每把臂論天下事輒慷慨激昂嗚咽不自勝知君固有
才而不得伸者及與論越南前事君益咄咄稱怪並出所

輯盾墨留芬八卷見示則又知君昔嘗受

彭張兩帥之知寄以帷幄策援闕外經畫一出君守諒山

克復之役君實與有力焉回憶是時

廷贊

方隨使美邦任

金山總領事從海外伏讀

天子明詔激厲士卒決於一戰未嘗不感激

聖明以爲強弱之機在此一舉南望閩關風鶴驚心寤寐不能

去未幾而諒山之捷不禁爲之狂喜且語人曰今果無負

聖明矣倘乘此一舉大伐敵謀他日邊患可安枕無憂也厥後

以亟於罷戰功未及竟然承迭挫之際卒能一鼓作氣恢

復全地海內莫不交口稱快以爲微夫人之力不及此而

不意君當日實陰助其成君有功而不自居舉世莫知君
君亦不求知於天下昔孟之反不伐孔子賢之介之推不
言祿史氏傳爲美談以君方之曾無多讓嗚呼可不謂賢
歟方今時事日棘倘假君以柄其樹立當更大前此君固
不必自多也然是書一出天下咸曉然於君之擘畫與夫
當日諸鉅公所以備守備戰之偉略胥賴君手以傳則君
雖不自居功而其爲功益遠矣書成來問序於廷贊且致
書敦迫不獲辭謹就君所以著是書之意暨廷贊之所以
知君者聊述梗概歸君以作卮言之獻未足云序也至謂
是役也一勝而和實啟戎心引有宋澶淵之事以爲鑒則

讀是書者自知之此非廷贊所敢言亦所不忍言所幸薄

海臣民均尚有振奮尊親之志則人材必磨礪始出君心

未灰固知將取姑予終有仰紓

宸廑再贊時艱之一日也乎

光緒戊戌上元日德慶梁廷贊拜謁於梧州府廨敬勝堂

敘

古今豪傑有志之士挾其雄才大畧以投於時苟幸際時
會上之建從龍之偉伐次之佐中興之宏業即下之投筆
萬里參贊戎行借箸運籌發縱指示作幕府智囊白馬從
事凡此數者縱事功之遭遇不同要其抱瓌璋奇絕之姿
皆自信有所建白足以表見於當世據鞍則磨盾而書露
布下馬則納牖而構新語表見雖殊其內不負吾學外不
負知己則一也我

朝騎射開基挽強踏局之雄風馳電蹴用能東鞭陽谷西撻
虞淵黑齒賁胸面內秉朔黃支烏弋請吏向風攷其時湯

利南艾早已西來火獸神機之具類皆闕險通置都會列
陳也乃何以稽矢所至銀甕爲摧鉞騎所臨玉壘自解由
是觀之盛衰勝敗之數奇技異器果盡可恃而陰符鈴弢
之秘果不足制敵虜之命哉柰何韃靼未幾雲臺之甲仗
猶存再造之乾坤伊始而鯨鯢不觀蠻觸噬臍當津沽要
盟以後復再見越南一事哉是役也吾粵以與越南近日
夕戒嚴疆寄重臣又承

天子特詔策應闕外時恩方襁被家居未預時事而戰事傳聞
之大畧固嘗往來於方寸間以爲非彭張岑李諸帥之調
度王馮蘇王諸將之戮力不及此今者一麾始出差次梧

州得讀胡君輯刻盾墨留芬一書顛末俱在隻字皆存然後嘆當日之措置合宜血契滿袖卒能轉敗爲功者皆胡君帷幄決算之力有以贊成之也夫軍情瞬息萬變時會難得易失苟任營務之寄而事事必仰受稟承一畫諾書胥能之耳今胡君臨機立斷固自信才具優爲亦彭張二帥尤知人善任哉雖然吾聞胡君以此見知亦因此得謗不屑有以間執謠詠之口故幕府上功榮名不與焉今是書出而胡君之所建白自足表見於當世吾儒半生讀書但得上不負國下不負學大丈夫志足遂矣胡君何憾焉胡君號麓樵荆楚名下士前彭張帥粵時營務處今廣西

補用知府也光緒戊戌孟春古岡譚國恩謹序

評語

麓樵仁兄鄉大人閣下承示盾墨留芬凡四本約十五六萬言合當代巨手名公籌謀大局或屬崑山片玉寶不在多或爲鐵網珊瑚美期畢備公餘溜覽往事如在目前具微蒐輯之勤尤佩參襄之略以視詩文編集功用俱殊自愧才疎不能弁首敬以奉繳即望珍存

鄉愚弟游智開頓首

麓樵太尊鄉台大人闕下捧歸大箸一編眼見異書愛莫釋手其間地形軍制於時務關繫重大者甚多不獨重以中外一段公案也似宜亟付梓民使海內周知其事而太

尊積年心血一片公忠方不至於淪沒至筆墨之高其餘
事耳

楊先焯頓首

精語

題詞

徐樹銘壽蘅甫

佳什飛雲珍辭粲錦英華璀璨文藻聯翩龍往高吟圖簪
燕喜良殷欽佩日南象郡倏作陸沉豹畧龍馭都成塵迹
吁嗟已矣傷如之何齊桓糾合不長數世之讐劉琨擊楫
尙有澄清之志而案餘疏墨未如盾墨之磨勤即袖滿鑪
芬難比留芬之耐久楚材未盡夢卜方殷亦冀大賢任實
樹聲以光王國至企

松風謾謾響瓶笙賦手人推子墨卿白鹿洞留題句在五
羊城指瑞光明循聲久已傳龔召運歷何須問耿閱卻喜

康莊逢吉曜門排金節治功成

昨命演洛下閎之術者過談知吉人天相從此否去

泰來可喜

昭德曾聞式燕笙班聯華黼躡槐卿乾天星日金輿麗戎

海共球玉鏡明那有壯猷躋頗牧恨無奇策接宣閎

帝恩如海臣能薄敢說勲名唾手成

同音每羨磬諧笙濟濟師師望巨卿周室壹戎由政肅虞

廷六府賴謨明虛糜金帛徒膏血妄召瘡痍惜閑闕

以此次朝

鮮較前越南其間得失之故皆在用人行法尺疏何裨

天聽俯地天交正賴平成

冷月緱峯子晉笙心輕鶴馭與鸞卿尋真欲訪茅三洞望

道疑登越四明世外桃花逢阮肇雲中桑梓慰哀閔時艱

那便諧歸計苦說金丹九轉成

乙未冬至後三日

黃 膺麓泉甫

天上璫蕭雜玉笙人間星景復雲卿西池圖籙雙華粲南

海鈞鈐五夜明

謂君曾贊彭剛直公決勝越南有闕前隘之捷

日月含光芒隱隱

雷霆有象氣閔閔

前此可戰而和故免賠費割地之耻可惜

乾龍底事猶剛斷保合唯希六位成

月練波紋紫鳳笙丹陵何處葬花卿

高麗平壤練光亭水月清華葉軍於此

樂不設備倭致左軍獨殉寬尸未得

世無驍將劉仁願宵有龜言桑子明

謂倭

人姐已罪宜汚武戍

倭使綠笙郎通於閔妃致國覆乃殺閔妃

季孫權枉擅僭

閔閔黨賣國倭得國皆斥之碑盟墨誓雄心老痛哭當年計未成高麗大隱
君昔年誓不通商勒石通衢又以墨爲碑式合肥以計囚
之洋人遂入其國要隘今雖爲倭強立國破年衰撫膺飲
泣無能爲已

冰天高會炙龍笙軍冠羣推楚國卿虎豹談兵襄郡謾猊
貅擁衆賀蘭明游僊東島空符璽尹氏南山愧壺閤藉甚
瀛洲新眷屬要盟却仗董雙成有貴公子爲日本壻無厠全權

黠夏周行鳴鹿笙懽聯兩大亦名卿拜弓欲激烏丸射霍

使虛輝牛斗明

王爵棠使俄東事初起說俄王許假兵艘二十襲日本以解遼南之急格於議後議

賠款贍還繒幣何人爭富弼金橋有詔繪陳閔鐵路將開六州
贍還贍還

聚鐵車同轉遮莫從今鑄錯成

歛幽又聽沸匏笙無限深心寫尙卿荆棘普天悲索靖柴
桑何地著淵明雄圖各詔齊秦晉書學如爭繇朗閣五道
隆汙君應識何當布祓訪容成

讀盾墨留芬感及時事特錄志慨